

9 (M) 31
Б 95 К 84 (пер)



1004

Л. БЫЧКОВ

**ПАРТИЗАНСКОЙ ДВИЖЕНИИ
1812 ГОДА
ОТЕЧЕСТВЕННОЙ ВОЙНЫ**

КОМПЕРМГИЗ 1942 КУДЫМКАР

9(М)31

Б 95

Л. БЫЧКОВ

ПАРТИЗАНСКОЙ ДВИЖЕНИИ
1812 ГОДСЯ
ОТЕЧЕСТВЕННОЙ ВОЙНАЫН



КОМИПЕРМГИЗ 1942 КУДЫМКАР

Перевод *Н. А. Споровой*
Лит. редактор *З. А. Тетюева*
Полит. редактор *Ф. С. Бражкин*

Техредактор *Ф. С. Яркова*
Корректор *Р. И. Попова*

Сдано в набор 26/II-42 г. Подписано к печати 23/III-42 г. Формат
бумаги 60×92 ¹/₁₆. Печатных листов 2. Уч.-изд. листов 1,6. В 1 печ. листе 32000
тип. зн. ЛБ14019. Заказ № 133. Тираж 2000.

г. Кудымкар. Типография Молотовского Областного Управления
издательств и полиграфии

Миян народ имейтö аслас Родиналөн национальнöй независимость понда пессьöмын славнöй унавекся история. Миян странаись народдэзлö великöй русскöй народ юралöм увтын не öтпырись ковсьылис самоотверженнöя и героическöя пессьыны иностраннöй захватчиккезкöt, кöдна мöдисö поработитны миянлис Родинасö.

Миян страналөн героическöй военнöй прошлöйись öтикөн славнöй страницаэз коласись лöö 1812 годся Отечественнöй война—русскöй народлөн Наполеон I-лөн армияэз вторженнөкöt пессьöм.


1812 годö Наполеон нашествиекöt пессьöмын русскöй народ öтлаын миян странаись мöдик народдэзкöt самоотверженнöя и героическöя дорйис Россиялись национальнöй независимостьсö. 1812 годö Россияын Наполеонсö разгромитöмыс вайötис ас сьöрас Европаын наполеоновскöй владычестволись крах.

*

1812 год кежö Наполеон I-лö удайтчис подчинитны аслыс почти быдöс Западнöй Европасö, Англиятöг.

Медбы пессьыны французскöй капитализм господство понда да Англиялись конкуренция уничтожитöм понда Наполеон тшöктис русскöй правительствосö 1807 годö подпишитны сьöкыт Тильзитскöй мир да пырны сідз шусян континентальнöй блокада системаö. Россия должен вöли быдсөн откажитчыны Англиякöt кытшöм бы эз вöв торговöй сношеннөэзись.

Россияись нянь, лён, вөр петкötöмсö чинтöмыс (континентальнöй блокадасянь), кöднö значительнöй степеннын потребляйтис Англия сьöкыта оградитчис Россия экономическöй положенне вылын. Внешнöй торговля



упадоксянь лоис застой сельско́й хозяйствоын, эшö умöльжык лоис страналөн и сытöг ни сьöкыт финансовöй положеннёыс.

1810 годö декабрь месяцын русско́й правительство пондыліс мездісьны континентально́й блокада системаыс: вöлі лöсьötöм виль таможенно́й тариф, кода лэбтіс пошлинаэз Россияö винаэз, шёлковöй да бархатно́й материяэз да роскошись мөдік предметтэз вайöм вылö, кодно унажыксö вайлісö Францияыс. Сэссия, русско́й порттэз вöлісö осьтöмöсь колониально́й (öтлаын сэтөн английско́й) товаррез вайöм понда. Виль таможенно́й тарифыс сетіс возможносттез содтыны русско́й экспорт.

Эна мероприятиеэзөн Наполеон вöлі öддьөн недоулен. Сія решитіс войнаөн принудитны Россиясö участвуйтны Англия блокадаын. Но Наполеонлөн планнэс мунісö эшö ылöжык: сія мөдіс Россиясö керны Франция колонияөн, пöртны сію французско́й товарресö вузалöм понда паськыт рынокö.

Наполеон мөдіс поработитны Россиясö да янсöтны сылсь территориясö. Сія надейтчис провозгласитны асьсö польско́й корольөн да подвассально́й Польша дынö (сідз шусяна Варшавско́й герцогство дынö) öтлаötны Литва да Белоруссия, польско́й магнат Понятовскийöс сувтöтны правительён Смоленскö да сы гөгöрись русско́й музёö, а казацкöй областтезись да Украинаыс керны сылö, Наполеонлö, подвластнöй особöй королевство.

Наполеон мечтайтис, Россиясö покöритöм бöрын, Кавказöt пырны Индияö, медбы этөн керны удар Англия могушестволö. Энгельс веськыта висьталö, что „...1812 годö Наполеон аслас военно́й карта вылын Москвасö отметитис кыз оперативно́й база Индия вылö походөн мунікö“¹.

Западно́й Европаын победаэзсянь Наполеонлөн юрыс пондіс бергавны. 1811 годö Наполеон баитис öтıklö аслас генераллэз коласись: „Куим год бöрті ме лоа мирлөн господин; кольччö öтнас Россия, но ме нырышта сію“.

¹ Маркс и Энгельс, Соч, т. XI, ч. I, стр. 363.

Россия вылò аслас уськòтчòм понда Наполеон видзчисис только благоприятнòйжык международнòй обстановка, сідз кыз эта кадò сія должен вòлі значительнòй военнòй вын (250 тысяча мымда солдаттэзòс) видзны Испанияын, кытòн наполеоновскòй гнёткòт героическòя пессисò восставшòй испанскòй народнòй массаэз.

Россияò военнòй поход организуйтìкò, Наполеон используйтìс Европаын ассис господствосò: сылò подвластнòй государствоэсò тшòктìс примитны участие Россия вылò нашествиеын. 1812 годò февраль месяцын сія тшòктìс Пруссияòс заключитны договор, мед òтлаын дейстуйтны Россиялò паныт. Прусскòй король Фридрих-Вильгельм III сетìс обязательство ыстыны Наполеоныслò аслас войскоэзìсь корпус. 1812 годò март месяцын Наполеон подпишитìс договор Австриякòт, кòда сідзжò сетìс обязательство Россиякòт пессьòм понда сетны 30 тысяча солдатòс.

Россияò ыстòм унася уна шпионнэз-пыр Наполеон наблюдайтìс русскòй армия состояннè съòрын, русскòй обществолòн настроеннèэз съòрын, изучайтìс местасò, кытòн пондасò чулавны военнòй действиеэз. Сысянь зависимòй Варшавскòй герцогствосò кыздз плацдармòс войнаыс кежò лòсьòтчòм понда используйтòмòн, продажнòй польскòй паннэз вылò пыксьòмòн, Россиякòт пограничнòй областтезын Наполеоныс керлìс продовольственнòй магазиннэз, артиллерийскòй складдэз, формируйтлìс военнòй транспорттэз.

Россиякòт война понда Наполеон чукòртìс сія кад съòртì колоссальнòй армия—600 тысяча мымда мортòс 1372 орудиеòн да 182 тысяча вòлòн. Аслас национальнòй состав съòртì эта армияыс вòлі òддьòн разнороднòй: сыын француззэзся вòлìсò пруссаккез, австриецез, голландецез, поляккез да уна мòдик народдэз. Этò вòлі „двунадесяти кыла“ армия.

Ойнас июнь 24 лун панытò 1812 годò Наполеонлòн армия, кòдаын вòлìсò 420 тысяча морт мымда, война обьявиттòг видзчисьтòг вуджис Неман ю да пырис Россияò. Паныт Россиялò Наполеонлòн завоевательнòй, грабительскòй войнаыс пондòтчис.

Наполеоновскöй армия вторженнё бöрын лэбис Россияыс национальной независимость понда вына пессьом, кöдаын крестьянство мыччаліс истиннöй, самоотверженнöй патриотизм: кöть и вöлі сьöкыт крепостнической гнёт, но крестьянстволөн паськыт массаэз лэбтисисö дорйыны Россиясö захватнической, грабительской наполеоновскöй нашествиесянь, и эта народнöй движеннёыс спаситіс миян родиналісь национальной независимостьсö.

Польско-литовскöй помещиккез отсалісö кö Наполеонлö, то литовско-белорусскöй крестьяна паськөтісö партизанскöй действиез паныт наполеоновскöй армиялö. „Великöй Литовскöй княжестоын“ помещичьöй правительстволөн попыткаыс керны Наполеон армияö рекрутскöй набор терпитіс полнöй крах. Белорусскöй крестьяна откажитчисö мунны захватчикыс армияö.

Смоленск усьом бöрын русскöй народнöй массаэз коласын сё öддöнжык и öддöнжык лэбтисис захватчиккез дынö ненависть. Странаян ыждіс общенациональнöй подъём, паськаліс Россиялөн национальной независимость понда народнöй война.

Генерал А. П. Ермолов аслас запискаэзын свидетельствуйтö сы йылісь, что Смоленскöй губернияыс населеннёыс готов наполеоновскöй армиякөт пессьом кежö.

„Отырыс,—гижö Ермолов,—готовöсь вöлісö отсавны, эз жалейтö не собственностьнысö, не асиныс оланнысö“.

Захватнической наполеоновскöй армия сибөтчикö уна крестьяна чапкылісö асиныс деревняэзнысö, мунлісö вөррезö. Пондөтчис наполеоновскöй армияыс фуражиррезкөт, мародёррезкөт да шпионнэзкөт крестьяналөн пессьом.

Русскöй крестьяна нем эзö кольлö наполеоновскöй армия понда, но сы коста жö русскöй армиясö снабжайтисö быдöс коланаөн. Паськыт народнöй массаэзлісь отсөтсö адззикö, русскöй армияыс солдаттэз сотчисö желаннёөн сетны отпор захватнической наполеоновскöй армияыслö.

„Быд ладорсянь,—1812 годö июль 30 лунö гижис русскöй офицер Глинка Сутоки посадісь (Смоленск

увтын),—вайёны пöжалöм нянь, вашöтöны подаёс да сетöны быдöс, мый колö миян добрöй солдаттэзлö, кöдна сотчöны желаннён кутчисьлыны врагыскöt Смоленск стенаэз дынын.

Мукöдыс ны коласись этö желаннёсö висьталöны медпростöй, но, конечно, сьölöмсянь петан выраженнён: мийö адззам ни асланым айезлись дзор тошшезнысö,—баитöны ния: сетам я нийö поруганнё вылö?—Кад локтис тышкасьны!“

Русскöй крестьяна асланыс, народнöй инициатива сьöрти пондисö паськötны русскöй армиялö отсалöм понда паськыт партизанскöй движеннё. Многочисленнöй факттэз свидетельствуйтöны сы йылись, что паныт наполеонскöй армиялö вына партизанскöй пессьöмсö паськötöмын инициаторнас лоис совсем не царскöй правительство, а медодз именно асьныс крестьянскöй массаэс, кöдна асланыс пельпоннэз вылын пешлисö интервенттэзлись насилеэсö да притесненнёсö.

Этö положеннёсö бытшöма подтврждайтö Глинкалөн письмо, кöдö сия гижлöма 1812 годö июль 31 луно Сутоки посадись.

„Солдаттэз,—гижис Глинка,—пондасö тышкасьны ужаснöя. Поселяна готовöсь керны сийö жö. Пыр баитöны поголовнöй набор йылись, всеобщöй восстаннё йылись... Дух саймö, душаэз готовöсь. Народ корö воля, мед не öштыны вольностьсö.—Но народнöй войнаыс миян понда öддьөн виль. Кажитчö, эшö полöны пöрччавны киэзнысö. Онöдз абу öтик прокламация, кöда бы позволяйтис чукöртчывлыны, вооружайтчыны и действуйтны кытөн, кызд и кинлö позьö. Тшöктасö кö—и мийö, поселяна, готовöсь отсавны воиннэслö“.

Насильниккезлөн армия сразу пондис чувствуйтны, что русскöй народнöй массаэз сы дынö относитчöны враждебнöя.

1812 годö июль 29 луно Суражын наполеонскöй армиялөн офицер Ложье гижöма:

„Мийö часто öштам отирöс, кöдна кольччöны ыббез вылын, кысянь мийö мунам... ния лöоны жертваөн лөгасьöм крестьяналөн нето добычаөн казаккезлөн, кöдна бергалöны миян флаангез гөгөр“.

Крестьянскöй партизанскöй движеннёйс лэбтисьліс народнöй массаэз коласісь.

Крестьянскöй населеннё инициативалö ответ туйö русскöй армиялөн командованнёйс решитіс корны Смоленскöй да мöдік губернияэзісь населеннёсö паськötны партизанскöй движеннё наполеоневскöй армиякöt песьöмын.

1812 годö август 2 лунö 1-й русскöй армияөн командующöй Барклай-де-Толли письмоын, кöдö сія гижöма смоленскöй гражданскöй губернатор Ашалö, тшöктіс корны „...быдöс оліссесö нія уезддэзісь, кöдна дынöдз эз лок неприятельс, вооружитчыны миян коварнöй враггезкöt песьöм понда“.

Аслас письмоын Барклай-де-Толли гижис: „...отечество нимөн корö неприятель дынö быдöс матісь местаэзісь обывателлесö вооружённöй киөн уськötчыны неприятельскöй войскоэзлөн öткаса часттез вылö, кытөн сэтшöммесö адзыласö. Сэссия особöй отзывён ме кори россиянасö нія местаэзісь, кöдна займитöмсь француззэён, мед öтік неприятельскöй ратник эз дзэбсись миян месть дынісь вералö да отечестволö вайötöm обидаэз понда, и кöр нылөн армияйс лоас паразитöма миян войскоэзён, мед сэк пышшись неприятеллесö быдлаын панталіс обывательскöй киэзісь погібель да смерть. Отечество дорйöм понда восставшöй гражданаыс пондасö отсавны, вынсöтны ассиныс вонэзнысö да соотечественникесö, кöдна бой дырни ны понда сетöны оланнысö, и вероломнöй француззэзлөн уськötчöмыс россиянаөн лоас отразитöма, сідз жö кызд древнöй кадö нылөн предоккез восторжествуйтисö самöй Мамай вылын, лөнсьöтисö завоевателлезлісь гордостьсö и вероломствоыс понда накажитисö да истребитисö коварнöй соседдэсö“.

Крестьянскöй партизанскöй движеннёйс бура паськаліс Смоленскöй губернияыс почти быдöс уезддэзын.

Наполеоневскöй армиялөн вюртембергскöй конноегерскöй полкись старшöй врач фон Роос гижö аслас запискаэзын, что Смоленск дынö мунікö сы полкись командир ыстіс öтік унтер-офицерöс, кöда тöдіс польскöй кыв, квать солдаткöt „адзыны мый-нибудь сёя-

нісь“. Көр унтер-офицерыс бертёма, Роос кыввез съор-ті, сідз висътасьёма наполеоновскöй армия дынö Смоленскöй губернияись населеннёлөн отношеннё йылісь.

„Быдөнныс мунöны миянлö паныт; быдөнныс готовöсь либо дорйисьны, либо пышшыны; быдлаын менö панталисö умöля, көритөмөн да видөмөн. Некин нем эз мөд сетны; меным ковсьывліс босьтны аслым, на- сильно и рискуйтөмөн, менö лэдзлісö грөзитчөмөн да проклятиезөн. Мужиккез вооружитөмөсь пикаэзөн, уна ны коласісь вөввез вылын; инькаэз готовöсь пыш- шөм кежö и видисö миянөс сідз жö, кыз мужиккез. Верзьёмаэз ветлөны местасянь местаөдз, юөртöны сы йылісь, мый керсьö; нылөн эмөсь сигнал сетөм понда пөввез...“

Наполеоновскöй армияыс, көда одзлань муніс рус- скöй крестьяна ладорсянь бойкот условиеэзын; испы- тывайтис продовольственной снабженнёын ыджыт труд- носттез. Наполеоновскöй армияись лейтенант Брандт свидетельствуйтö, что Смоленск дынсянь Гжатск дынö ни мунікө Наполеон армияись солдаттэз питайтчисö почти только öтик вөв яйөн, шоммез вылын сійö жар- ритөмөн, „сійөн что ассиныс поданысö крестьянаыс нуөтлісö сэтшөм ылö, что некыз эз позь кутны сійö“.

Отлаын асланыс айезкөт да жөнниккезкөт русскöй крестьянкаэз героическөя участвуйтисö партизанскöй движеннёын паныт насильническöй наполеоновскöй ар- миялö; пессьомас участвуйтисö и крестьянскöй под- ростоккез.

„Нельки женскöйез тышкасьöны...—баитис Глинка.— Талуння лунö, Гжатскöй уездісь, князь Голицын де- ревяэзись крестьяна, көр нійö вашөтисö öтик засекаэ- зись, вуджлісö соседнөй вөррезö сія селеннөöt, кытөн вөлі главнөй квартираыс (русскöй армиялөн.—Л. Б.). Сэтөн ранитөммезлö керлісö перевязкаэз. Öтик 14 год- ся зоночка, көдалісь коксö шуч писькөтөма пуля, му- нис подөн и эз норась. Перевязкасö сія терпитис ыджыт мужествоөн. Кык томыник крестьянскöй нывкаөс ра- нитөмась киэзаныс. Öтыс уськөтчис отсавны аслас дел- лө; мөдыс увья бөдөн вийис французöс, көда рани- төма нывкаыслісь мамсö. Уналісь пуляэз шуч мунисö

шапкаэзнысö, полаэзнысö да нинкөммезнысö.— Вот почтенной поселяна-воиннэз!”

Гжатск да Сычевка коласын крестьянкаэз да челядь дзевсысьлісö вөррезö, а крестьяна вооружайтчисö наполеоновской солдаттэзлісь мырддьом оружиеон и активная сопротивляйтчисö наполеоновской армияыслö, сьлөн торья отряддэз вылö уськөтчөмөн.

✱

Смоленск дынись русской войскоэз отступитөм бөрын Наполеон мунис одзлань страна пытшкас: вöлі вежөртана, что сія лөсьөтчө босьтны Москва. Этö вежөртөмөн, знаменитой полководец М. И. Кутузов, көдö назначитисö русской армияö главнокомандующийон, решитис Москва увтын сетны Наполеонлö генеральной сраженнө. Эта сраженнө понда местанас вöлі бөрийөма посад Бородино, кытчö русской армияэс локтисö сентябрь 3—5 луннэзö.

Вир кисьтана Бородинской сраженнө дырни сентябрь 7 лунö русской армияыс поистине героической сувтис враглö паныт. Батареяз вуджлісö киись киö, русской пехота вөвлытөма чорыта терпитис быдöс уничтожитан артиллерийской бисö. Наполеон эз вермы разгромитны русской армиясö. Русской солдаттэз дорйисö асиныс родной мунысö, асиныс родинанысö, асиныс четьнысö, бөраныс нылөн вöлі родной Москва.

Великой русской поэт М. Ю. Лермонтов русской солдаттэзлісь вылын патриотической героизмсö мычалис аслас „Бородино“ стихотвореннөын:

Төдмалис врагыс сэк не етша,
Мый рукопашной бойыс сэтшөм,
Удалой мян бой!..

Пыр муыс кокувтын вештасис,
Вөв, отир кучаö сорласис,
Быд залпыс залпкөт өтлаасис
И эз сетлы спокой...
Вот немдис. Ми готовсь петны
Виль бой мөд лунö отөн сетны
И дорйыны ас горт.

Көть и вöлісö өддьон ыджыт потеряэз, но сентябрь 7 лунö рытнас русской армияыс эшö вöлі бой вылын.

Первөйөн ассис войскоэсө нуотис Наполеон. Кутузов аслас донесеннён справедливоя гижис, что сраженнё-ыс „...кончитчис сійөн, что неприятельыс аслас превосходной вынөн некытөн отік оськөв ылына эз босыт мусө“.

Бородинскөй битвалөн значеннёыс вөлі өддён ыджыт: Наполеон, кёда Западной Европын судзотис сымда блестящөй победаэз, эз вермы разгромитны русскөй армиясө. Бородино дынын сраженнёыс разрушитис Наполеон армия непобедимость йылись представленнёсө; эта сраженнёыс былисьсө вөлі русскөй армиялөн победаөн и лоис наполеоневскөй нашествиесө разгромитөмын поворотной пунктөн.

Сыбөрын Бородинскөй сраженнёсө оценивайткө, Наполеон аслас воспоминаннёзын гижис: „Быдөс менам сраженнёэзись медстрашнойыс—это сия, көдө ме сеті Москва увтын. Эта сраженнёын француззэз мыччалисө асьнысө достойнойезөн судзотны победа, а русскөйез лоисө достойнойезөн лоны непобедимөйезөн“.

Бородино дынын сраженнё бөрын военной совет вылын, кёда вөлі Фили деревняын сентябрь 13 лунө, Кутузов примитис решеннё бойтөг сетны Москвасө неприятельлө сы понда, медбы, русскөй армиясө сохранитөмөн, одзланьын быдсөн и окончательной разгромитны врагсө.

Кыз только французскөй армияыс пырис Москваө, городын пондөтчис ыджыт пожар. Эта пожар дырни уна сотчисө ня продовольственной запассэс, көдна эщө кольччылисө Москваас. Быдөс эта умөльсьөтис наполеоневскөй армиялысь и сытөг ни съокыт положеннёсө.

Москвасө займитөм бөрын наполеоневскөй армияыс керис сыын вөвлытөм грабёж.

Вайөтам бесхитростной рассказ отік мортлісь, кёда адззыліс наполеоневскөй войскоэзлісь грабёжсө да насилеэсө, көр ня босытисө Москвасө. Московскөй почтамтись чиновник Андрей Карфаческий 1812 г. ноябрь 6 лунся аслас письмоын гижөма: „...француззэз правлісө керкуэзө и, ыджыт неистовствоэз керөм бөрын, босытлісө хозяиннэслись не только деньга, золото да серебро, но нельки сапоггез, увтись паськөм, ряса-

эз, женско́й пассаз да салоппез, ко́днӧ сыбо́рын пасьтавлісӧ пост вылын сулалікӧ да верзьӧмӧн ветлікӧ. Нешоча вӧвлі, что улицаэз кузя му́нссесӧ чо́втлісӧ йӧрнӧсӧдз, а уналісь чо́втлісӧ сапоггез, капоттэз, сюртуккез; ежели кин-нибудь сувтліс нылӧ паныт и сопротивляйтчис, то сэтшӧмсӧ бура вартлывлісӧ, и часто кувтӧдз... Васькыта кӧ висьтавыны, городын оліссескӧт нылӧн обращеннӧыс вӧлі самӧй бесчеловечнӧй; и эзӧ бо́рйисьӧ: чиновник я нето крестьянин, быдӧннысӧ, кин нылӧ сюрліс, уджӧтлісӧ: тшӧктылісӧ новйыны мешӧккез грабитӧм имуществоӧн, винаӧн бочкаэз, карч-йӧррезын гарйыны картовки, весӧтны сійӧ, масьтыны капуста и улицаэзісь новйыны кулӧм морттэзӧс да вӧвезӧс“.

Наполеоновско́й армия варварско́я истребляйтіс культурнӧй ценносттез, ко́дна вӧлісӧ Москваас. Керкуэзын жугдалісӧ зеркалоэз, уничтожайтисӧ живописьлісь прекраснӧй произведеннӧез, картиннӧй полотноэзісь торья фигураэз да юррез вундалӧмӧн; Петровско-Разумовско́йын аллеяэзын сулалан мраморнӧй статуяэзлісь жугдалісӧ ныррез, киэз, юррез. Иван Великий колокольня куполын француззэс писькӧтісӧ ӧшын русско́й армия сы́орын наблюдайтӧм понда.

Наполеоновско́й армияыс ыджыт опустошеннӧез керис подмосковнӧй уезддэзын...

*

Москвасӧ кольӧм бо́рын, Кутузов иньдӧтчис Рязанско́й туй кузя, сыбо́рын кежис запалланьӧ и октябрь 2 луно́ сувтчис Тарутин посадын. Эта замечательнӧй тактичко́й маневр дырни русско́й армияыс вермис пӧднавыны хлебороднӧй юг дынӧ француззэзлісь туйсӧ да сувтӧтны угроза увтӧ нылісь тылсӧ.

Эта дырни крестьянско́й партизанско́й движеннӧыс вӧвлытӧма паськаліс. Паськӧтісӧ ассиныс действиеэсӧ и русско́й армиялӧн торья отряддэз, ко́дна наполеоновско́й войскоэзкӧт пессикӧ применяйтисӧ партизанско́й тактика. Инициаторнас да организаторнас русско́й армияын перво́й, партизанско́й отрядлӧн, ко́да действуйтис ыджыт контактын крестьяна-партизаннэз-

кѳт, вѳлі известнѳй поэт подполковник Денис Васильевич Давыдов. Сыбѳрын русскѳй армиялѳн командованнѳыс организуйтѳс эшѳ кынымѳкѳ армейскѳй партизанскѳй отряддѳз: артиллерийскѳй капитан Фигнерлѳн отряддѳз, капитан Сеславинлѳн, полковник Кудашевлѳн и мѳдѳккѳз.

Но партизанскѳй отряддѳсѳ организуйтлѳсѳ не только русскѳй армияыс офицеррез. Примерно ѳтѳк кадѳ Д. В. Давыдов отрядкѳт паныт наполеоновскѳй армиякѳт пѳссьѳмсѳ пондѳтѳс крестьянскѳй партизанскѳй отряд, кѳдѳн руководитѳс рядовѳй солдат Ермолай Васильевич Четвертаков.

Крепостнѳй крестьянин Нефедовка деревняыс, кѳда принадлежитѳс помещик Завадовѳкийлѳ, Черниговскѳй губернияыс Новгород-Северскѳй уездын, Четвертаков служитѳс солдатѳн Киевскѳй драгунскѳй полкын и участвуйтѳс 1805, 1806 да 1807 годдѳзся военнѳй походдѳзын да сраженнѳэзын.

1812 годѳ август 19 лунѳ Царево-Займище деревня дынын бой дырни К. В. Четвертаковлѳсь вийисѳ вѳвсѳ.

Наполеоновскѳй кавалерия Четвертаковсѳ босьтѳс пленѳ, но кум лун бѳрти, Гжатск босьтѳкѳ, сѳя вермис пышшыны пленсис.

Наполеоновскѳй пленѳсь пышшѳм бѳрын Четвертаков мунѳс Басманы деревняѳ, кытѳн корис крестьянасѳ выступитны паныт наполеоновскѳй армиялѳ. Крестьянаыс вооружайтчисѳ оружиеѳн, кѳдѳ чѳвтѳсѳ вийѳм наполеоновскѳй солдаттѳз вылѳсь. Сылѳн отрядас сыбѳрын вѳлісѳ 300 морт гѳгѳр. Четвертаков сувтѳтѳс крестьянасѳ пикеттѳзѳн. Пикеттѳзѳ пыран крестьяна-партизаннѳзлѳн обязанностьыс вѳлі дорѳыны деревня-эсѳ наполеоновскѳй войскоэзлѳн поснит шайкаэз дынѳсь да юѳртлыны отрядыс штаб-квартираѳ неприятельлѳн ыджытжык отряддѳз мыччисьѳм йылѳсь.

Скугарева деревняын вѳлі сраженнѳ крестьяна-партизаннѳз да артиллерияѳн вооружитѳм наполеоновскѳй армияыс батальѳн коласын. Скугарева деревняын крестьянаыс чукѳртчѳмась 4 тысяча мымда. Неприятельскѳй отрядлѳсь крестьянаыс мырддѳмась 10 повозка фуражѳн, 30 юр гырысь подаѳс да 20 баяѳс.

Антоновка посадын крестьяна-партизаннэз босьтисö 19 наполеоновскöй кирасирöс.

Четвертаковыс дугдывтöг велötис военнöй делоö крестьяна-партизаннэсö.

Крисово деревня дынын партизаннэз вашötисö 400 мымда наполеоновскöй солдаттэсö, кöдна коласись 70 босьтисö пленö.

Гжатскöй пристань дынын Четвертаков отрядись крестьяна-партизаннэз мырддисö наполеоновскöй войскоозлись кык пушка да öтик ящик ружейнöй патроннэзöн.

Смоленскöй губернияын партизанскöй движеннёйс сё öддьöнжык паськалис. 1812 годö август 29 лунö Сычевскöй уездись крестьяна, пикаэзöн вооружитöмöсь, бытшкалисö 130 наполеоновскöй солдатöс, а 60 көрталисö да нүötисö Сычевка городö.

1812 годö август 31 лунö Смоленскöй губернияись Бельскöй уездись местнöй властез асланыс рапортын юörtисö русскöй армиялөн главнокомандующöй Кутузовлö, что „миян отир усердиеөн да неустрашимостьён враггесö быдлаын истребляйтöны да босьтöны пленö“.

Крестьянскöй партизанскöй движеннёйс грознöй волнаөн лэбтисис Московскöй губернияись почти быдöс уезддэзас.

Богородскöй уездын Вохновскöй да Амеревскöй волосттезись крестьянаыс отважнöя уськötчывлисö наполеоновскöй армияись торья отряддэз вылö.

Богородскöй округайсь крестьянин Герасим Курин организуйтис 5000 подöнаэзö да 500 вöлаэзö крестьяна-партизаннэсö. 1812 годö сентябрь 11 лунö Куринлөн отряд босьтис пленö уна француззэзöс, 3 пушка да няньөн обоз.

Вохновскöй крестьяна враггесö истребитисö 50 мымда, а амеревскöйес—300 мымда.

Юго-восточнöй направленнёын, Бронницкöй округайсь, Шубин, Вешняков, Константинов, Воскресенскöй, Починок посаддэзись да Сельвачева, Жирошкина, Рогачева, Чанусова, Заселья, Галашина да Жданскöй деревняэзись крестьянаыс, вöлаэз и подöнаэз, оружиеөн, 2 тысяча мымда öксьывлисö Подольск дынö туй вылын.

Бронницкõй крестьяна-партизаннэз, вөррезын сай-ласьомõн, дейстуйтисõ отлаын казаккезкõt, паныт наполеонскõй отряддэзлõ вõрын засадаэз керлõмõн. Бронница дынсянь Подольск дынõ наполеонскõй войскоэз муникõ „... воиннэз-земледелецез уськõtчывлисõ видзчисьтõг, чожа и мужественнõя вашõtисõ да вийлисõ“.

Отпырись бронницкõй крестьяна казаккез юралõм увтын уськõtчисõ наполеонскõй войскоэзлõн отряд вылõ, кõдаын вõлисõ 700 морт, сэтõн жõ вийисõ 30 наполеонскõй солдатõс, а мукõдсõ тшõктисõ сетчыны пленõ, эта дырни босьтисõ отрядлисõ быдõс повозкаэсõ.

Эта столкновеннõ дырни ыджыт храбрость да мужество мыччалисõ Константиново посадисõ староста Семён Тихонов, Сельвачёва деревняисõ староста Егор Васильев, Починок посадисõ староста Яков Петров.

Михайловскõй слобода и Яганов посадисõ да Дурниха, Чулкова, Кулакова да Какузева деревняэзисõ крестьянаыс быд лунõ 2 тысяча морт мымда õксывлисõ Москваю вылын Боровскõй перевоз дынõ да эз лэдзõ наполеонскõй войскоэслõ вуджны ва мõдõрас. Эна крестьянаыс унажыксõ вõлисõ пасьтасьомõсь казаккез моз и „... неõtпыр ниõtважнõя пантавлисõ... неприятельсõ да вашõtлисõ сийõ“.

Сентябрь 22 лунõ Московскõй губернияисõ Бронницкõй уездисõ крестьяна-партизаннэз казалисõ, что наполеонскõй войскоэзлõн õддõн ыджыт отряд кысьõ Мячков посад дынõ.

Крестьянскõй партизанскõй отряддэз, юсõ бродõн вуджõм бõрын, казаккез отсõtõн стремительнõя уськõtчисõ наполеонскõй войскоэз отряд вылõ да уничтожитисõ сийõ. Эта сраженнõын 11 наполеонскõй солдатõс вийисõ местааныс, 46 солдатõс босьтисõ пленõ отлаын оруженõн, вõввезõн да повозкаэзõн; наполеонскõй отрядисõ мукõд солдаттэс рознитчисõ и спаситисõ асьнысõ пышшõмõн.

Эта сраженнõын особõя мыччалисõ асьнысõ крестьяна Дурниха деревняисõ Михаил Андреев, Василий Кириллов да Иван Иванов, крестьяна Михайловскõй сло-

бода посадись Сидор Тимофеев, Яков Кондратьев да Владимир Афанасьев, староста Яганов посадись Василий Леонтьев да сїя жö посадись крестьянин Фёдор Дмитриев.

Эна крестьянаыс ю вылөт первöйöсь уськөтчисö наполеоновскöй войскоэзлөн отряд вылө и асланыс порывöн кыскисö пещьöмас быдöс мукöд крестьянасö.

1812 годö октябрь 5 лунö капитан Ф. И. Колобков аслас письмоын, кöдö сїя Коломнасянь ыстöма А. Озерецковскийлö, гижис:

„...сы войскоэзлись (Наполеонлись.—Л. Б.) торресö миян мужиккес вийлöны да пленö босьтöны; сылö öддöн дзескыт лö, перво сїя иньдöтчис Коломенскöй туй кузя Боровскöй перевоз дынö, но миянїссес пыркöтисö сїйö; эта бöрын сїя иньдöтчис Калужскöй туй кузя, эта перевоз вылын ассис войскосö мымдакö кольöмөн, но миян казаккес, Шубинскöй волостись мужиккескөт баитчöмөн, рез-паз нийö керисö, пленö босьтисö 600 морт мымда, а мукöддесö быдöс вийисö, воинскöй обозсö мырддисö...“

Крестьяна разоблачайтисö наполеоновскöй агенттэзöс да шпионнэзöс. Бронницкöй уездись Волова деревняыс крестьянин Никита Макаров локтис русскöй армиялөн главнöй квартираö да разоблачитис ассис хозяинсö—помещик Андрей Ключаревöс, кöда вöли наполеоновскöй агентөн.

Быд лунö то öтик, то мöдик местаын крестьянскöй да армейскöй партизанскöй отряддэз вайöтлисö наполеоновскöй армия кузя öтик бöрсянь мöдикö чувствительнöй ударрез. Партизанскöй отряддэзлөн пырся уськөтчöммес видзисö полöмын наполеоновскöй войскоэсö, дезорганизуйтисö сообщеннө туйесö да орöтисö Наполеон армиялись продовольственнöй снабженнөсö.

Матын Воскресенск дынын сулалан посаддэзись да деревняэзись крестьянаыс öтлаасисö городсö обороняйтöм понда, мед не лэдзы сы сайö наполеоновскöй войскоэсö.

„Ассиныс предприятиеэзнысö,—лыддöтам мийö крестьянались действиесö описаннөын,—нїя организуйтлисö не слепой отважность вылын, но благородумие да

осторожность вылын. Нія керисö лунся и ойся стража, сувтöтисö карауллэз вөррезöт и быдöс сэтшöм места-эзöт, кысянь скрытнöя позьö наблюдайтны неприятель сьöрын; сэтшöм наблюденнё понда ния часто кайлисö пу йыввезö, кöть можот и некöр эзö кывлö, что Суворов сийö жö керлис. Вöрокаиннэзын, кырассэзын, быдлаын эна осторожной воиннэс-земледелецес сувтöтлисö несунасян стража. Сэсся установитисö, что колоколөн звонитöм дырни немедленно чукöртчыны нылö верзьöмөн и подөн, кытөн кыласö колоколлись первой вачкöмсö. Сэтшöм повестка вылö уна öксывлисö эна осторожной воиннэс-земледелецес: öтiккез вöлисö вооружитöмось ружьёэзөн, мöдиккез—майöггезөн, черрезөн, вилаэзөн да косаэзөн. Быд оружиеыс вынаён лоö сэтчин, кытөн кисö вешталö вераён да верностьён сотчан сьöлöм. А сэсся мымда побужденнээз ловзьöтлисö воиннэсö-поселянасö! Ны син одзын сотчисö нылөн родной керкуэз... Вөррезын ылын ны дынсянь сайласисö враггез лютость шогья нылөн иннез, нылөн челядь, нылөн стариккез, кöдна эзö вермö лэбтыны не оружие, не киэз“.

Крестьяна-партизаннэз отражайтисö наполеоновской войскоэзлись отряддэз, кöдна мунлисö Звенигород дынсянь да Руза ладорсянь, часто вашöтлисö наполеоновской войскоэсö Воскресенск дынсянь. Вöвлисö быдса сраженнээз, кöднаын крестьянаыс выступайтисö либо öтнаныс, либо öтлаын казаккезкöt.

Калужской губернияын крестьянской партизанской движеннёыс медöддьөн ыждис Боровской уездын.

Сентябрь 25 луно армейской партизанской отрядлөн командир поручик фон Визин аслас рапортын армия сьöрти дежурной генераллö генерал-лейтенантлö Коновницынлö юöртис, что матi гөгöр олисесзянь сiя получайтö сведеннээз наполеоновской войскоэзлөн расположеннё йылись. Этасся фон Визин специальной юöртлис, что „отирыс быдлаын вооружитöмось и неприятель мыччисьöм дырни чукöртчöны öтлаö и 23-öt луно Каменской посадын вашöтисö неприятельской фуражиррезöс, вийисö öтик офицерöс да кватьö рядовой солдаттэзöс“.

Боровскын кык нывка вийисö нельö наполеоновскöй солдаттэзöс, мөдiк крестьянкаэз пленö босьтöм-месö вайöтисö Калугаö.

Сё öддьонжык ыждiс крестьянскöй партизанскöй движеннёыс и Смоленскöй губернияын.

Елисаветградскöй полкись гусарöс, Фёдор Потаповöс, кöдалөн нимкодъыс вöли Самусь, кöр сийö öтiк бой дырни ранитисö, крестьяна дзевöмась гортаныс. Ранитöмсяняс веськалöм бöрын Фёдор Потапов (Самусь) организуйтис ыджыт крестьянскöй партизанскöй отряд, кöдаын вöлисö 2 тысяча морт мымда; эта отрядлөн вöлисö нельки пушкаэз, кöднö сiя мырддис наполеоновскöй войскоэзлись.

Крестьянскöй партизанскöй движеннёсö активнöй организаторрез коласын мийö адззам нимез крестьянкаэзлись, кöдна героическöя пессисö завоевателлез армиякöt.

Старостиха Василиса Кожина судзötис всероссийскöй известность паныт наполеоновскöй войскоэзлö аслас действиезөн. Сiя нуötлiс Сычевкаö пленнöй наполеоновскöй солдаттэзöс, эта понда öктывлiс отряд крестьяна-подростоккезiсь да крестьянкаэзiсь, кöднö вооружитлiс косаэзөн, вилаэзөн да зоррезөн.

Сычевскöй уездiсь Соколова деревняиись крестьянка Прасковья вийис наполеоновскöй армияиись полковникöс, кöда мөдiс насилуйтны сийö, пасьталiс вывтас сылiсь мундирсö, пуксис сы вöв вылö да öтлаасис партизанскöй движеннё дынö.

Кутузов сетавлiс личнöй указаннёэз партизанскöй движеннёсö паськötöм йылiсь, партизанскöй пессьöмын тактика йылiсь, сы йылiсь, медбы армейскöй партизанскöй отряддэз коласын да крестьянскöй отряддэз коласын вöли бур контакт.

Сiдз, наставленнёын, кöдö Кутузов сетiс армейскöй партизанскöй отрядiсь начальник Дороховлö, баитсис: „Партизаннэзлөн летучöй отряд маршшесö должен керны скрытнöйезö, неыджыт туйез кузя, кöр локтас кытшöм-нибудь селеннё дынö, некинöс сэтiсь не лэдзны, медбы эз вермö юörtны сы йылiсь. Луннас сайласьны вöррезын нето лажмыт местаэзын. Öтiк кылөн

внсытавны, партизан должен лоны решительной, чо жге мыдзлытём“.

Кутузов сетліс армейской отряддэзлө прямой указаннээз сы йылісь, что крестьянасө колө обязательно вооружитны, что крестьянасө-партизаннэсө используйтны пленной наполеоновской солдаттэзос конвоируйтём понда.

Наставленнээзын, көднө сентябрь 30 луно Кутузов сетіс армейской партизанской отряддэзісь начальниккезлө—капитан Сеславинлө да майор Лесовскийлө, баитсис: „Неприятельлісь мырддьом оружиеон вооружитны крестьянасө, мыйсянь тиян отрядыс вермас бура вынсыавны, пленнойесө вайотны кыз поэь чо жжыка, регулярной войскоэзлісь прикрытие нылө сетөмон да вилаэзон нето зоррезон вооружитөм мужиккезос отсөт понда босьтөмон. Мужиккесө ободрайтны подвиггезон, көднө керисө нылон ёрттэзныс мөдік местаэзын, унажыксө Боровской уездын“.

Крестьяна-партизаннэз вовлісө русской армия частезын командующөйез дыно и корисө наполеоновской войскоэзкөт пещьом понда оружие да патроннэз.

Сідз, например, сентябрь 27 луно генерал Милорадович гижис русской армияын дежурной генераллө П. П. Коновницынлө:

„Боровской уездісь, Каменск слободаись казённой крестьяна локтисө ме дыно и корисө менчим неприятель дынісь дорйисьом понда патроннэзон ружьёэз. Эна крестьяна дыно колө относитчыны особенно внимательной, ибо ния присяга увтын өтлаасисө асьнысө дорйөм понда, сы понда, мед пуктыны наказаннө ежели ны коласын адззисяс трус. Эна почтенной крестьянаыс ештисө ни истребитны уна француззэзос. Ме иньда ваше превосходительство дыно кыкөс эна крестьяна коласись“.

Великой русской полководец Кутузов известиеэзын, көднө сія лэдзліс русской армиялө сведеннээз понда, сетліс медвылын оценка крестьянской партизанской отряддэз действиезлө. Сідз, например, 1812 годө сентябрь 30 луно известиеэзын, көднө Кутузовыс лэдзөма русской армиялөн главной квартирайн, Леташевка посадын, баитсис:

„Асьныс крестьянаыс фронт дынсянь матись деревняезись вайõtõны неприятельлõ өддьõн ыджыт вред. Россиянаыс... висътавыны непозяна ревностьõн õнi старайтõны истребляйтны враггесõ, кõдна нарушайтõны отечестволисъ спокойствиесõ. Крестьянаыс, родинанысõ пыма любитõмсянь, керõны асколасаныс ополченнëз. Овлõ, что кынымкõ соседной селеннë вылын местаезын да колокольняез вылын сувтõtõны часовõйезõс, кõдна, неприятельсõ казялõм бõрын, вартõны набат. Эта знак дырни крестьянаыс чукõртõtõныõtлаõ, отчаяннëõн уськõtõtõны неприятель вылõ и оз мунõ битва местасис сэтчõдз, кытчõдз оз судзõtõ полнõй победа. Ния өддьõн уна неприятеллесõ вийõны, а пленõ босьтõммесõ вайõtõны армияõ. Быд лунõ ния локтõны главной квартираõ и убедительно корõны огнестрельной оружие да патроннëз враггез шогья защищайтõм понда. Эна почтенной крестьяналõн, отечествоисъ истинной зоннëзлõн просьбаес, мымда позьõ, удовлетворяйтсõны, и нийõ снабжайтõны ружьëзõн, пистолеттëзõн да порохõн. Уна селеннëезын ния присяга увтынõtла сьõны асьнысõ общõй защищеннë понда и пуктõны жестокой наказаннë ежели ны коласын адззисяс трус нето сэтшõм, кõда умõльõ керас аслас ёртлõ“.

Наполеонлõн армияыс, кõда займитис Москва, лоис критической положеннëын. Разрушитõм да сотõм городын оликõ, завоевателлес быд ладорсянь вõлисõ кытшõвтõмõсь вооружитõм русской народõн, кõда героической пессис аслас национальной независимость понда.

Продовольственной затрудненнëз, кõднõ наполеоновской армияыс испытывайтис пыр сы завоевательной поход дырни—Неман кузя переходсянь и Москваõ пырõмõдз, самой Москваас не только эз чинõ, а эшõ содисõ: Наполеонлõн армияыс, кõдõ подмосковной крестьяна активнõя бойкотируйтисõ, пыр тшыгылис, сылõн почти совсем эзõ вõлõ главной сельскохозяйственной продукттëс. Подмосковной крестьяна ладорсянь бойкотыс вõли сэтшõм, что наполеоновской армиялõн полккес, кõдна вõлисõ не Москваын, одва судзõtõлисõ мукõд продукттëсõ, и нылõ ковсылис продукттëсла ыстывлыны Москваõ, но этаисъ нем эз петлы: Москва-

ын наполеоновскöй войскоэс сіджö испытывайтисö острöй продовольственнöй кризис.

Наполеон армиялö, кöда Москваас олікö öштис 30 тысяча морт мымда, ковсис мунны городсис. Октябрь 18 луно пондöтчис наполеоновскöй армияись первöй отряддэзлөн отступленнө. Октябрь 19 луно Москвасис мунис Наполеон, городас колис Мортье начальство увтын только кынымкö отряд, кöдна, кынымкö кремлёвскöй башня да зданнөэз взорвитöм бöрын, петисö Москвасис октябрь 23 луно.

Русскöй армия дынö аслас воззваннөын, кöдö лэдзис, көр француззэс пондисö пышшыны, Кутузов висьталис, что Наполеонлö ковсис мунны Москвасис, „... сідз кыз одзланьын нем мöдиксö эз адззы, кыз ужаснöй народнöй войнались одзлань мунöмсö, кöда дженыт кадö вермас уничтожитны сылсь быдöс армиясö; быд жителыын сия адззис воинöс, а сылөн быдöс обольщеннөэз вылö общöй непреклонность,—быдöс сословиеэзлись решимость моросөн сувтны любезнöй отечество понда...“

Көр Наполеонлөн армияис отступитис Москвасис, русскöй армия, кöдалö активнöя отсалисö крестьянскöй партизанскöй отряддэз, рез-паз керис врагсö.

Наполеонлөн попытка мунны южнöй туйез дынö, кытөн вöлисö продовольственнöй запассэз, эз удайтчы. Кутузов ас кадö орöтис этö маневрсö.

Көр наполеоновскöй армияись итальянскöй войскоэзлөн куим батальон сибöтчисö город Малоярославец дынö, городын оліссес ештисö жугдыны поссö и эз лэдзö неприятельсö пырны городас. Саперрез керисö временнöй пос, но Малоярославецись населеннөыс жугдисö мельничнöй плотинасö да лэдзисö васö, кöда бöра уничтожитис этö временнöй поссö.

Сэтчö локтöм русскöй войскоэз да наполеоновскöй армия коласын Малоярославецис дынын вöли сраженнө. Эта сраженнө дырни Наполеонлөн войскоэс вöлисö чапкөмөсь Смоленскöй туй вылö, кöда кузя ния перво локтисö Москваис дынö.

Русскöй армияис, кöда мунис невна южнöйжыка, параллельнöя сия туйлö, кöда вылöt отступайтис Напо-

леон, дугдывтөг уськөтчывліс француззэс вылө да мыдз-төг преследуйтіс нійө.

Москвасис отступайтікө Наполеон сетіс приказаннө бион истребляйтны быдөс деревняэсө и городдэсө, көдна пондасө пантасыны сы армиялө туй вылас.

Вот кыз Лабом гижө наполеоновскөй армия зверствоэз йылісь, көднө сія керис отступайтікас 1812 г. октябрь 26 луно Уваровскөй посадын: „Онi мийö адзылім, кыз сотчоны быдөс посаддэс, кытөн кынымкө лун одзті мийö шоччисим. Нылөн эшө шоныт пöймыс, көдө төв новійөтіс өтмөдөрө, вевтгис солдаттэзлісь да крестьяналісь труппесө, быдлаын валяйтчисө орөтөм горшшезөн челядь, куйлісө труппез нывкаэзлөн, көднө вийисө сэтөн жö, кытөн насилуйтісө“.

Смоленскөй туй вылө петөм бöрын наполеоновскөй армиялөн маркитанттэз чапкывлісө кырассэзö ранитөм-месө, көдна вöлісө Москваас грабитөм имуществоөн грузитөм повозкаэз вылын. Русскөй пленнөйесө зверскöя вийлісө. Приблизеннөйез коласісь өтік висьталіс Наполеонлө наполеоновскөй армиялөн эна зверствоэз йылісь:

„Этö кытшөмкө бесчеловечнөй жестокость! Дак вот сія—пресловутöй цивилизацияыс, көдө мийö нөбөтім Россияс! Кытшөм впечатленнө лöас эта варварствосьянь неприятельлөн (мөднөж шуны русскөйезлөн.—Л. Б.)?“

Особенно жестокöя наполеоновскөй армияыс расправляйтчис пленö босьтөм крестьянакөт—партизаннэзкөт да ополченецезкөт, көдна нуөтісө героическөй песьсьом паныт наполеоновскөй нашествиелө.

„Верейö пырикө,—свидетельствуйтө Гриуа,—пехоталөн батальоннэз сувтчисө веськытланьö туй дынсяняс, и ны одзись ме казялі дивизияөн командующөйөс генерал Фридриксөс, көда сетіс солдаттэзлө приказ нуөтны бокө пленö босьтөм куим крестьянинөс да вийны нійө: ме дрөгниті, көр кылі этö гора голосөн сетөм приказсө, көдө сэк жö тыртисө. Крестьянаыс думайтісө, что нійө нуөтöны пост дынө, кытөн пондасө видзны: кызд өні адзза энö руд кафтаннэза да греческөй крестөн баситөм суконнөй картуззэза тоша мортэсө, кызд ния нем не төдөмсянь спокойнөя муноны

паныт смертыслө. Туйыс нылөн абу кузь. Нельдас оськөв ылынаын генералыс дынсянь, кōда синнэзнас следитис ны сьōрын, ния пондисō горōтлыны. Нылō бōр-сяняныс сōтисō штыккезōн сия минутаō, кōр ния пырисō учōтик идзасовōй хижинаō, куимнанныс усисō сэтчин, и нылөн ойзōмыс лōньсис ойтōм хижинаыс биын“.

Москваись наполеоновскōй армия отступитōм бōрын русскōй армияыс, кōдōн руководитис великōй полководец М. И. Кутузов, быдōс русскōй народлōн могучōй поддержка вылō пыксьōмōн, крестьянскōй партизанскōй отряддэз отсōт дырни блестящōя тыртис за-дачасō—быдсōн разгромитны Наполеонлись отступайтис армиясō да окончательнōя вашōтны сийō Россиясис.

Малоярославец дынсянь Наполеонлōн армияыс тэр-масьōмōн отступайтис. Октябрь 30 лунō Наполеоныс вōли Гжатскын, ноябрь 1 лунō—Вязьмаын, ноябрь 5 лунō—Дорогобужын, а ноябрь 8 лунō сия пырис Смоленскō.

Русскōй армия дугдывтōг преследуйтис отступайтись наполеоновскōй армиясō.

Отлаын регулярнōй русскōй армиялōн основнōй часттез действиезкōт наполеоновскōй армиясō разгромитōмын сы отступайтикō да Россиясис вашōтикō ыджыт роль орсисō крестьянскōй да армейскōй партизанскōй отряддэзлōн действиез.

Могучōй народнōй движеннē, кōда лэбтисис паныт наполеоновскōй армиялō, кōда посягнитис Россияыс национальнōй независимость вылō, воодушевляйтис русскōй армиясō наполеоновскōй войскоэсō Россиясис быдсōн вашōтōм понда пессьōм вылō.

Известиеэзын, кōднō лэдзлисō русскōй армиялōн главнōй квартираын, сообщайтисō:

„Сы коста кыз мян армияыс одзлань поражайтō врагсō, быдкодь губернияэзын олисес сотчōны желаннēон быдōс сетны отечестволō. Сograжданалōн сэтшōм благороднōй чувствоэс одушевляйтōны воиннэсō виль мужествон, и ния только сэк босьтасō мирлись сладосттесō, кōр истребитасō коварнōй неприятельсō, кōда аслас уськōтчōмōн сэрпōсьтис мян айезлись мусō.

Отечество любитөмлөн священнөй биыс шонтө быдөс состояннөэсө“.

Крестьяна-партизаннэз сетлисö русскöй армиялö сведеннөэз неприятельыс мунöм йылись, дугдывтöг уськөтчывлисö наполеоновскöй войскоэзлөн отряддэз вылö и эз сетö нылö возможность судзöтны продовольствие да фураж.

1812 годö ноябрь 2 лунö наполеоновскöй армиялөн итальянскöй гвардия штабись лейтенант Ложье сідз гижис аслас армия отступайтöмлись условиеэсö:

„Шульгаланяс русскöй армия; веськытланяс уна сотня казаккез, быдлаын местнöй деревняэзись вооружитöм крестьяна. Конечно, регулярнöй войскоэзлөн отряддэз кокнита бы справитчисö ныкöt быдөнныскöt, но перыта мунöмыс, опасность торйötны отирсö и сытöг ни бура чинöм корпуссэзись, невозможность сувтчыны, полöм лоны кытшöвтöммезөн русскöйезөн, тшöктö армиясö довольствуйтчыны сійөн, мый сія адззö туй вылас. Но сылö дөнзö только яй вöввезлөн, кöдна кулисö тшыгсянь, мыдзöмсянь да истощеннөсянь“.

Партизаннэз босьтлисö пленö не только солдаттэзöс, но и наполеоновскöй армиялись пушкаэз, обоззэз. Сё öддьөнжык активизируйтчисö армейскöй партизанскöй отряддэзлөн действиеэс.

Отряд Д. В. Давыдовлөн только сентябрь 2 лунсянь октябрь 23 лунöдз босьтис пленö да распискаэз сьöртi вайötис русскöй армиялөн главнöй квартираö наполеоновскöй армияись 3500 рядовöй солдатöс и 43 штаб- да обер-офицерöс.

Давыдов свидетельствуйтö, что наполеоновскöй солдаттэзлөн быдса толпаэз „...ыджыт туй вылын только неыджыт отряддэз мыччисьöм дырни тэрмасьöмөн чапкылисö оружиенысö“.

Армейскöй отряддэзлөн партизанскöй действиеэзас öтлаын русскöй полккезкöt активнöя участвуйтисö башкирскöй полккез, кöдна мыччалисö наполеоновскöй армиякöt песьсьöмын отличнöй отвага.

Наполеоновскöй армия исключительно острöя чувствуйтис армейскöй да крестьянскöй партизанскöй отряддэзлись ударресö. Русскöй армияись казаккезлөн

отряддэз да крестьяна-партизаннэзлөн отряддэз дугдывтөг уськөтчывлісö отступайтись наполеоновскöй армия вылö, видзисö сійö пырся полöмын и тшöктисö наполеоновскöй командованнёсö примитны предосторожностись чрезвычайнöй мераэз, сійөн что нылö пыргрöзитис опасность армейскöй да крестьянскöй партизанскöй отряддэз уськөтчöмсянь. Наполеоновскöй армия штабись начальниклөн маршал Бертъелөн быдöс перепискаыс тыртöма предписаннёэзөн партизанскöй отряддэз уськөтчöмлö паныт чрезвычайнöй мераэз примитöм йылісь.

1812 годö октябрь 27 лунö 2 часö ойнас маршал Бертъе гижис город Боровскись:

„Мед тiян вöлісö колоннаэз фланкеррезлөн, кöдна бы охраняйтисö казаккез да крестьяна шогья тiян обоззэзлісь колоннаэз, артиллерия да мук...“

Русскöй губернияэзись крестьянскöй населеннё лютöй ненавистьөн относитчис интервенттэз-наильниккез армия дынö. Инженер Газо, наполеоновскöй армия главнöй квартираись обозлөн начальник, гижö аслас запискаэзын русскöй крестьяна-партизаннэз йылісь: „Войнаөн разоритöм русскöй крестьянаыс вöлісö сэтшöм жö страшнöйöсь, кыз мороз да тшыгыялöм. Нiя... сьöктötисö армиялісь быд оськөвсö, беспокоитисö сійö не етшажык казаккезся. Веськыта кö висьтавыны, быд крестьяниныс лоис партизанөн“.

Эта кадö ни, эшö тöлыс локтытöдз, Наполеонлөн армияыс бура тшыгыяліс; наполеоновскöй солдаттэз сёйисö кулöм вöввезöс, поннэзöс, рақаэзöс; нельки пондötчис морттэзöс сёйöм. Вязьмасынь Смоленск дынö муникö русскöй генерал Крейц вöрын адззыліс страшнöй картина: наполеоновскöй солдаттэз сёйисö яй асланыс жö кулöм одноземецезлісь...

Разрушитöм, сотöм Смоленскын Наполеонлөн армияыс сідзжö эз адззы некытшöм продовольственнöй запассэз; провизиялөн неыджыт остатоккез, кöдна хранитчисö складдэзын, вöлісö сэк жö сёйöмось.

Эта кадö пондötчис суровöй русскöй тöv, вачкисö ыджыт мороззэз. Наполеоновскöй солдаттэз кынмисö и, медбы кöть кыз-нибудь шонтисьны, сотисö карета-

эз, телегаэз, разрушитом керкуэзись жугдом мебель. Ноябрь 17 луню Наполеонлон армия мунис Смоленскис; тшыгыялөмыс локтис вөвлытом размеррезодз. 1812 годся событиеезлөн отик современниккез коласись, А. Н. Оленин, гижис:

„Очевидной свидетеллез: г. Штейн, Муравьеввез, Феньшау да модиккез, утверждайтоны, что француззез сейисо ассиныс кулом ерттезнысо. Ния висьтасисо, что часто пантавлисо француззесо кытшом-нибудь сарайын, кытчо ния сайовтчисо мороз шогья, ния пукавлисо биок одзын асланыс кулом ерттез телозз вылын, коднались вундалисо буржык торресо, медбы этон подтыны тшыгсо, сыборын, часись часо вынтөмсяломон, асьныс сэтчо жо усьлисо куломось, медбы лоны сейоммезон..“

Смоленской туйыс вөли омон вевттьома кулом наполеоновской солдаттезон да вөввезон; быдлаын ваяйтчисо чапком повозкаэз, зарядной ящиккез.

Ноябрь 14—18 луннезо вөлисо кынымко сраженне город Красной дынын. Красной да Орша дынын сраженнеэзын наполеоновской армияыс модис вөли сопротивляйтчыны, но терпитис окончательной пораженне, оштис 26 тысяча морт мымда пленнойезон, уна вийоммезон да ранитоммезон и 228 орудие.

Ноябрь 26—28 луннезо наполеоновской армиялон остатоккез термасьомон вуджисо Березина юсо кык умөлик пос вылот. Вуджикас француззесо атакуйтисо русской армиялон часттез. Наполеон армиялон остатоккез паникаын пышшисо; войскоэз да обоззез съёкытасянь Березина ю вылын посэс жугавлисо, и французской солдаттез оддьон унаон вөйлисо кодзыт ваас.

Березина ю вылот вуджомыс вайотис концеодз Наполеоныс „непобедимой“ армиялись гибельсо. Ачыс Наполеоныс, простой офицер паськомө пасьтасьомон, чапкис ассис армиясо и Вильноот, Ковноот да Варшаваот додын пышшис Сморгоньсис Парижо.

1812 годо декабрь 12—14 луннезо разгромитом наполеоновской армиялон жалкой остатоккез вуджисо Неман ю вылот.

Завоевательной, насильнической, грабительской наполеоновской армияыс вөли разгромитом, и сылон

жалкый остатоккес вöлисö чапкөмөсь Россиясис. 1812 годö декабрь шöрын Россия территория вылын эз кольчы öтiк наполеоновскöй солдат.

Кытшöмкө 6 месяцөн наполеоновскöй армия öштiс Россияс 552 тысяча вийöммезөн да пленнöйезөн. 167 тысяча вöввезöс да унажык 1200 орудиеся.

Кутузов стратегия успехлөн основаннёнас вöли мощнöй национальнöй подъём Россияись народнöй—и медодз быдöс крестьянскöй массаэзлөн, кöдна мороснаныс сувтiсö дорйыны ассиныс родинанысö наполеоновскöй нашествиесянь. Калуга архивын неважын адззöм Кутузовлөн письмо, кöдö сiя гижлöма 1812 годся война дырни калужаналö, лишнöй раз мыччалö, кытшöм вернöя великöй русскöй полководец оценивайтiс интервенттэзкöt пессьöмын народнöй подъёмлiсь значеннёсö.

Калугаись олисез дынö обращайтчöмөн, Кутузов гижис:

„Сьöлөмсянь благодарита Тiянöс сiя признательность понла, кытшöмөн тыртöма Тiян письмоныт. Ме счастлив, что предводительствуйта русскöйезөн. Но кытшöм полководец эз поражайт врагсö сiдз жö, кызд ме эта мужественнöй народкöt“.

Россияись народнöй массаэзлөн национальнöй чувствоэз ыджыт подъём йылiсь, кöда вöли наполеоновскöй нашествиелö паныт ны пессьöм дырни, свидетельствуйтöны быдöс современниккез да 1812 годся событиеезын участниккез.

„1812 годся война,—гижлiс аслас запискаэзын дворянскöй революционер декабрист И. Д. Якушкин,—саймötiс русскöй народсö олан дынö и составляйтö важнöй период сы политическöй существованнёын. Правительстволөн быдöс распоряженнёс да усилиеэс вöлисö бы недостаточнöйöсь, медбы вашöтны Россияс пырöм галлэзöс да ныкöt дунадесять языцыöс, ежели бы народыс одзамоз кольчис оцепененнёын... Менам öндз эшö тöдвылын ме дынöt мунiсь солдатлөн кывес: „Но, слава енлö, быдöс Россияыс походö мунiс!“ Нельки солдаттэз коласын эзö ни вöлö бессмысленнöй орудиеэс; быдыс чувствуйтiс, что сiйö корисö содействуйтны великöй делöын“.

Мөдiк декабрист, П. Г. Каховский, аслас письмоын тижис: „1812 годын колiсö вöвлытöм усилиеэз; народ радöн быдöс нöбöтiс жертваö отечествосö спаситöм понда“.

Россияыс национальной независимость понда пессöмын участвуйтiсö не только русскöй крестьяна, но и Российскöй империялöн национальной меньшинствоэз, кöть и нийö нырыштiс царизмлöн сьöкыт гнёт.

„Не только Россиялöн стародавнöй зоннэз,—гижис С. Глинка,—но и народдэз, кöдна не öткодьöсь вöлисö кывнаныс, нраввезнаныс, верананыс и оланнаныс, кочуйтись народдэз,—и ния, öтлаын природнöй россиянакöt, готовöсь вöлисö кувны русскöй муыс понда. Мордва, тептеррез, мещеряккез, черемиссэз ревностнöя и радöн мунисö служба вылö; оренбургскöй башкирецез асьныс юавлисö правительствоыслись, озö я колö нылöн полккезныс“.

Санкт-петербургскöй газетаын „Севернöй почта“ 1812 г. декабрь 4 лунö вöли печатайтöма Якутскись 1812 г. сентябрь 8 лунся то кытшöм сообщеннө.

„Якуттэз,—байтсис сообщеннөас,—көр тöдiсö сы йылись, что француззэз насильно пырисö Россияö, лоисö отечестволöн сэтшöм жö усерднöй да истиннöй зоннэзöн, кызд и быдöс Российскöй империяын мукöд согражданаыс“.

Наполеоновскöй армиякöt пессöмын башкирскöй полккез орсiсö öддöн ыджыт роль.

Наполеоновскöй нашествиекöt успешнöя пессöм понда исключительно важнöй значеннө видзис белорусскöй да литовскöй крестьяналöн пессöм, кöдна öтлаын братскöй русскöй крестьянакöt выступитiсö паныт угнетателлезлö—польскöй паннэзлö да наполеоновскöй армиялö.

Русскöй крестьянство, испанскöй партизаннэз моз, героическöя пессис захватническöй наполеоновскöй армиякöt.

Паныт наполеоновскöй армиялö русскöй крестьяна-партизаннэзлöн героическöй пессöм йылись известиеэз мунисö Западнöй Европаö. Сидз, например, 1812 г. октябрь 23 лунö „Севернöй почтаын“, „Иностраннöй известиеэз“ отделын вöли вуджötöмön печатайтöма Лон-

донісь 1812 г. октябрь 2 лунся (виль стиль сьорті) то кытшом сообщеннє: „Россияын воюйтө быдос нацияыс... Этасянь Россияыс, конечно, сетас сылө (Наполеонлө.—Л. Б.) чувствуйтны, кыз Португалия да Гишпаниа, мый лоө воюйтны мужественнөй да единомушнөй народкөт“.

Наполеоновскөй армияыс, кода русскөй уджалісь отирлө вайис чуженациональнөй гнёт, крепостнической отношеннєзлісь вынсялөм, грабёж да разореннє, эз вермы получитны Россияс некытшом резервез, а мөднөж, сія панталіс широчайшөй народнөй массаез ладорсянь мощнөй единомушнөй сопротивленнє. 1812 годся Отечественнөй война дырни өтлаын мощнөй партизанскөй движеннөкөт ыджыт роль орсісө кыз регулярнөй русскөй армиялөн резервез да отсаліссез, сідзжө многочисленнөй народнөй ополченнєез, кодна вөлісө формируйтөмөсь русскөй правительство манифест сьорті. Московскөй ополченецез составитісө русскөй армиялісь прямөй резерв, эшө Бородинскөй сраженнөөдз русскөй армия ряддэзө өтлаасьөмөн. Тульскөй да рязанскөй ополченнє, кода сулаліс Ока ю берег кузя, следитіс, медбы наполеоновскөй войскоэс эзө вуджө юсө. Владимирскөй ополченнє вөлі используйтөма Москваын караульнөй служба нуөтөм понда сэк, көр Наполеонсө вашөтісө сэтчинісь; мукөд ополченнєез, особенно смоленскөй, өддьөн активнөя участвуйтисө крестьянскөй партизанскөй движеннєын; сэсся, петербургскөй ополченнє мыччаліс героизмлісь да храбростьлісь образецез мукөд сраженнєэзын, особенно Полоцк увтын.

Ленин, көр баитө условиеез йылісь, кодна определяйтөны победа кытшом-нибудь армиялісь, веськыта висьталө, что „война вылын побеждайтө сія, кинлөн унажыкөсь резервез, унажык вынлөн источниккез, унажык народнөй толщайн выдержка“¹. Вежөртана, что могучөй движеннєыс Россияысь паськыт народнөй массаезлөн, кодна 1812 годө лэбтисисө защищайтны асланыс страналісь национальнөй независимостьсө, кода

¹ Ленин, Соч., т. XXIV, стр. 493.

адзис ассис отраженнёсö партизанскöй движеннёын, ополченнёэз создайтöмын, паныт наполеоновскöй армиялö активнöй блокадаын, кöда воодушевляйтис да поддерживайтис регулярнöй русскöй армиясö, видзис решающöй значеннё наполеоновскöй нашествиесö разгромитöмын.

1812 годся войнаын Наполеонсö поразитöмын основнöй да решающöй причинаыс вöли независимость понда общенациональнöй движеннё, кöда паськалис Россияс, движеннё, кöдалөн главнöй выннас вöли русскöй крестьянство.

1812 годö Россияныс народнöй массаэс, кöть сэк и существуйтис царизмлөн да крепостничестволөн гнёт, героическöя дорйисö асланыс роинались национальнöй независимостьсö.

Россияын 1812 годö Наполеонсö разгромитöмыс вайötис ас сьöрас наполеоновскöй господстволись крах.

Великöй русскöй просветитель да демократ Н. Г. Чернышевский сідз оценивайтис 1812 годся Отечественнöй войнались историческöй значеннёсö:

„Не шумнöй толккес французскöй журналлэзлөн погубитисö Наполеонсö—сы дырни некытшöм толккес эзö и вöлö. Сійö погубитис 1812 годся поход“.

1812 годö Россияын Наполеонсö разгромитöмыс ловзьötис наполеоновскöй гнётөн нырыштöм Западнöй Европаыс народдэсö.

„Москваыс отступайтикö великöй наполеоновскöй армиясö уничтожитöмыс,—шуö Ф. Энгельс,—лоис сигналөн всеобщöй восстаннё дынö Западын французскöй владычестволö паныт“¹.

Виль вилнөн паныт ненавистнöй наполеоновскöй гнётлö выступитисö Испанияныс героическöй народнöй массаэз. Германияыс, Италияыс, Голландияыс да мöдик странаэзись народнöй массаэз сідзжö пондисö пессыны Наполеонлись игосö чапкöм понда.

Наполеонлөн „великöй“ империяыс, кöда вöли основаннöй народдэсö поработитöм вылын, киссис.

Сэтшöмöсь вöлисö 1812 годö Россияын Наполеонсö разгромитöмлөн последствиеэс.

¹ Маркс и Энгельс, Соч., т. XVI, ч. II, стр. 20.

1917 годō октябрь месяцын ленинско-сталинскōй партия руководство увтын Россияись рабочōйез да крестьяна чапкисō ненавистнōй эксплуататоррезлись—помещиккезлись да капиталистэзлись властьсō.

Великōй Октябрьскōй социалистическōй революция бōрын рабочōй класслōн да крестьянстволōн лоис асланыс настоящōй, подлиннōй социалистическōй отечество, кōдō обороняйтōмыс лōō священнōй обязанностьōн быд советскōй гражданинлōн.

„Мийō—ōнī оборонецез, 1917 г. ноябрь 7 лунсянь (октябрь 25 лунсянь), мийō—эта лунсянь отечество защищайтōм понда,—гижис Ленин 1918 годō.—...Мийō—Россияын Советскōй социалистическōй республика защищайтōм понда“¹.

Великōй Октябрьскōй социалистическōй революция победа бōрын русскōй рабочōйез да крестьяна, одззая царскōй Россияись мōдик народдэзкōт содружествоын, создайтисō мирын первōй советскōй государство. 1918–1920 годдэзся отечественнōй гражданскōй войнаын Советскōй Россияись уджались отирыс мыччалисō вōвлытōм героизм, асланыс социалистическōй родинались независимостьсō германскōй да мōдик интервентэз и русскōй белогвардеецез дынись дорйōмōн.

Советскōй власть годдэзō Ленинлōн—Сталинлōн великōй партия руководство увтын Россияись пōртчис медпередовōй, могучōй социалистическōй державаō.

СССР-ын социализм победасянь чужис несокрушимōй моральнōй да политическōй единство великōй советскōй народлōн, кōда пыр готов героическōя защищайтны аслас социалистическōй родинались священнōй рубежжесō. Советскōй народ создайтис непобедимōй, доблестнōй Краснōй Армия, кōда вевттис асьсō славаōн социализмлōн великōй страна безопасность понда бойезын.

Великōй советскōй народ и сылōн Краснōй Армия паныт кровавōй германскōй фашизмлōн разбойниччōй уськōтчōм вылō пондисō нуōтны Великōй отечественнōй война, ассиныс родинанысō, ассиныс честьнысō, ассиныс свободанысō защищайтōмōн.

¹ Ленин, Соч., т. XXII, стр. 291.

Германскöй фашизм и сылөн кровожаднöй главарь Гитлер установитисö беспощаднöй террорлсь, стыдтöм грабёжлсь да гнётлсь зверскöй режим Западнöй Европа странаэзын. Француззэзöс, чеххезöс, поляккэзöс, серббэзöс, Норвегия, Бельгия, Дания, Голландия, Греция да мукöд народдэсö поработитöм бöрын, сiя керис разбойниччöй уськöтчöм Советскöй Союз вылö.

Фашистскöй пон Гитлер вунöтис историялсь урокесö; сiя мöдö быдöс народдэсö пöртны германскöй фашизмлөн колониальнöй раббэзö.

Некөр эталö не лоны!

1812 годин кö русскöй народыс, кöр Россияыс вöли отсталöй страна, адззис асас вын быдсөн разгромитны „непобедимöй“ Наполеонлсь нашествиесö, то кытшöмö жö ударсö керас враглö öнi мян свободнöй могучöй советскöй народ!

Советскöй народлөн Великöй отечественнöй война угнетённöй народдэзлö вайöтö национальнöй освобожденнö, кровавöй фашизмлсь разгром.

„Не первуись,—висьталис ёрт В. М. Молотов,—миян народлö усьö имеютны делесö уськöтчись асьсö вунöтöм врагкöt. Вöли кад, кöр Россияö Наполеонлөн поход вылö мян народыс ответитис отечественнöй войнаөн и Наполеоныс терпиис пораженнö, локтис аслас крах дынö. Эта жö лоас и асьсö вунöтöм Гитлеркöt, кöда объявитис паныт мян страналö виль поход. Краснöй Армия и быдöс мян народ бöра пондасö нуötны родина понда, честь понда, свобода понда победоноснöй отечественнöй война... Миян дело правöй. Враг лоас разгромитöм. Победа лоас мян сайын“.

СССР-ись народдэзлөн великöй вождь ёрт И. В. Сталинлөн призыв вылö ответсö видзöмөн öтлаын Краснöй Армиякöt мянлсь Родинасö защищайтöм понда лэбтисьöны советскöй патриотгэзлөн миллионнöй массаэз.

Мощнöй партизанскöй движеннö паськötöмөн, могучöй народнöй ополченнö создайтöмөн великöй Советскöй Союзись народдэз отсаласö мян доблестнöй Краснöй Армиялö разгромитны да уничтожитны ненавистнöй фашистскöй варварресö.

Цена 40 коп.

Л. Бычков
ПАРТИЗАНСКОЕ ДВИЖЕНИЕ
В ОТЕЧЕСТВЕННОЙ ВОЙНЕ
1812 ГОДА

*На коми-пермяцком
языке*